

OFFICIUM
 S. ROSÆ VIRGINIS
 VITERBIENSIS,
 ORD. S. FRANCISCI.
 DVPLEX MAIUS.

A Sacra Rituum Congregatione recognitum, & approbatum recitandum ab vniuerso Clero Viterbiensi, Sæculari & Regulari, & ab vniuerso Ordine Minorum Reformatorum & Monialium eiusdem Ordinis, die VI. Martij, & IV. Sept.

DIE IV. SEPTEMBRIS.

In festo S. Rosæ virginis Viterbiensis. Duplex maius, Omnia vt in Communi Virginum, præter ea quæ hic habentur propria. Oratio.

Deus, qui beatam Rosam sanctarum tuarum Virginum collegio aggregare dignatus es: tribue nobis, quæsumus, vt eius precibus & meritis à culpis omnibus expiemur, & tuæ Maiestatis consortio perfruamur æterno. Per Dñm.

Ad Matutinum, in primo Nocturno. Lektionen de Epistola B. Pauli Apostoli ad Corinthios. De Virginibus, vt in Communi Virginum.

In ij. Nocturno. Lectio iiii.



Rosa Viterbij piis parentibus nata, ab ipsa infantia omni virtute enituit, facta perfectionis magistra, cum vix lo-

qui didicisset. Mundi exosa vanitates, rudi amictu, pedum nuditate, cilicio, ieiuniis, aliisque austeritatibus corpusculum affligens, diuinæ contemplationi iugiter vacabat. Hanc verò eximiam sanctitatem insigni miraculo Deus testatam voluit: nam adhuc puella auunculam defunctam ad vitam reuocauit. Ad virginitatem, quam perpetuo coluit, solo aspectu intuentium animos excitabat. Charitatis erga pauperes studiosissima, cum aliquando hiberno tempore subtractum sibi panem clam illis deferret, patre imperante vt proderet quid gremio absconditum ferret, panis in rosas conuersus est.

Resp. Propter veritatem, & mansuetudinem, & iustitiam: * Et deducet te mirabiliter dextera tua. *Vers.* Specie tua & pulchritudine tua, intende,

prosperè procede, & regna.
Et deducet.

Lectio v.

Cum septimum expleisset
annum, solitudinis desi-
derio flagrans, domus suæ an-
gustam cellulam elegit, cui se
tamquam voluntario carceri
inclusit; & orationi, corporis-
que castigationi ardentè in-
cumbens, Dei clementiam de-
precabatur pro sanctæ Eccle-
siæ tranquillitate, quam Fri-
derici Secundi Imperatoris im-
pietas acerrimè diuexabat. Ex
diutina autem maceratione in
morbum lethalem incidit; in
quo beatæ Virginis visitatione
recreata, habitum Tertij Or-
dinis sancti Francisci induere
iussa est. Decennis, à Deo in-
spirata, piis adhortationibus,
validisque argumentis multos
hæreticos ad fidem, & obe-
dientiam Romani Pontificis
reduxit. Qua de causa cum to-
ta cognatione sua in exilium
eiecta, ad vicina oppida venit,
vbi Friderici mortem, & Ec-
clesiæ pacem prophético spi-
ritu prædixit. Mulierem cæ-
cam à natiuitate illuminauit:
& ad fidei veritatem astruen-
dam succensum rogam in-
gressa, ac tribus horis in eo
illæsa permanens, cuiusdam
hæreticæ mulieris peruica-
ciam vicit, eamque cum aliis
ad fidem conuertit.

Ps. Dillexisti iustitiam, & odisti

iniquitatem: * Propterea vnxit
te Deus, Deus tuus, oleo læti-
tiæ. *Ps.* Propter veritatem, &
mansuetudinem, & iustitiam.
Propterea.

Lectio vi.

Tandem Viterbium sum-
ma ciuium gratulatione
reuerfa, in consortium Sancti-
monialium sanctæ Mariæ de
Rosis admitti petiit: sed illis
ingressum ob puellæ inopiam
denegantibus, se mortuam in
eo Cœnobio commoraturam
prædixit. Mox ad pristinum
domus suæ carcerem regressa,
cùm in ea duobus annis per-
mansisset, morbo correpta, &
ad beatam patriam suspirans,
meritis plena migravit ad
sponsum, decimo octauo suæ
vitæ anno nondum exacto.
Corpus eius miro splendore
illustratum, suauisque odore
perfusum, in templo sanctæ
Mariæ de Podio effossa hu-
mo, ac desuper ingesta, tumu-
laturum fuit: donec post triginta
circiter menses ab Alexandro
Quarto, tunc Viterbij sedente,
& in somniis ter ab ea admo-
nito, refoffum, & incorruptum
reperitum, pridè Nonas Se-
ptembris ad præfatum Mona-
sterium, quod postea sanctæ
Rosæ nuncupatum est, solem-
niter translaturum fuit, vbi vsque
ad hodiernum diem inte-
grum & flexibile summa to-
tius Orbis admiratione asser-
uatur.

natur, & nouis semper miraculis coruscat.

R. Afferentur Regi virgines post eam, proximæ eius, * Afferentur tibi in lætitia & exultatione. *V.* Specie tua, & pulchritudine tua, intende, prosperè procede, & regna. Afferentur. Gloria Patri. Afferentur tibi.

In tertio Nocturno, Homilia sancti Gregorij Papæ in Euangelium, Simile erit regnum cælorum decem virginibus, quæ accipientes lampades suas. *vt in Comuni Virginum.*

DIE VI. MARTII.
Translatio S. Rosæ virginis Viterbiensis. Duplex.

Officium fit vt suprâ die. *14. Septembris. Nona Lectio & comm. Feriæ occurrentis.*

Si verò venerit extra tempus Quadragesimæ, Lectiones primi Nocturni erunt de Scriptura occurrente.

Vesperæ à Capitulo de S. Thoma Aquinate.

Missæ. Dilexisti iustitiam. *vt in Comuni Virginum.*
Oratio propria, Deus, qui beatam. *vt suprâ.*

Ordinis Min. Obseru. Reformatorum sancti Francisci.

*S*acra Rituum Congregatio ad preces F. Francisci Maria Matarazzo, Procuratoris Generalis Ordinis Minor. Obseru. Reform. S. Francisci, benignè annuit, atque concessit, vt à toto prædicto Ordine vtriusque sexus fieri possit & valeat Officium S. Rosæ Viterbiensis Virginis, Monialis præfati Ordinis, eodem modo & forma, quibus recitatur à Clero Ciuitatis & Diocesis Viterbiensis, & alijs Regularibus eiusdem Ordinis S. Francisci. Hac die 12. Septembris 1671.

F. M. Episc. Port. Card. Branc.

Loco † sigilli.

Bernardinus Casalius Sac. Rit. Congreg. Secret.

